

閩侯縣志卷九十七

列女四下 孝義

侯官

朱妙華父早逝無子母鄭氏撫妙華矢志妙華及笄將爲卜婚輒哭曰兒不獲爲男養母顧乃以身適人使吾母無依於心奚忍遂終身不嫁養母以終

王德珪知州林錡妻封股療舅姑者 以上明

黃氏許友妻封股療母疾旋效

常氏諸生陳國勳妻康熙時人未婚國勳得罪長流山左氏徒步過門事老姑何氏七載家徒四壁備歷苦辛族戚罕見其面晉江庶子陳遷鶴時官京師聞其事重其孝爲募金贖國勳歸變名昂復就童子試入邑庠簪挂日始諧花燭生子朝馨乾隆庚午舉人孫銓曾孫椿榮皆入郡庠有文名

閩侯縣志 九七 列女四下

一

陳氏諭德鄭開極母事舅姑孝姑病革封左股爲劑以進果瘳夫病封股者再年未三十卽爲夫置妾氏晚年卧病女順德亦封股以進不效卒年四十五

鄭季娟巡撫鄭任鑰季女七歲誦孝經論語通大義善屬對任鑰宦京師舉家患瘡季娟方九齡父母遠宦一弟篤疾瀕危者屢乃夜號泣禱天請代弟死以延宗祧及弟獲痊娟一疾不起士大夫爲作孝女傳

林氏儒士鄭金甫妻通政林枝春之從姪女歸時舅姑已歿事夫祖母黃氏以孝聞夫卒課諸子嚴而有法

劉氏歸王春霖孝於舅姑春霖既歿諸子嚮學姑病且殆籲天請以身氏竊割臂和糜以進翌日瘳久之事稍洩子長式金道光庚子優貢生候選訓導式玉邑廩生式賓增生孫星庭同治壬戌舉人曾孫慶湘慶生慶彬皆舉人

林氏女爲上海徐兆洙妻期而寡遺腹子泰泰從林受孝經既長好文章

篤於朋友仁和龔自珍友之告自珍曰吾母平生再刲股一療吾外祖母疾再療吾祖母疾皆愈親族無知者寡十四年而卒

王氏甘肅平涼府知府王燮第二女工文翰最得父歡適閩縣國學生劉家銘躬操井臼一切出納勾稽事悉身任之堂上一庶姑夫生母也嘗得痢疾瀕危王氏割臂和藥浣滌垢穢無頃刻離臂創血涔涔下不暇顧道光庚子燮由雲南巧家營同知入覲請假回里假滿將赴滇氏弟有齡時以鹽大使分發浙江意欲舍浙侍滇燮責以年壯當自立弗許氏願代弟往旣而思身爲已嫁女甚躊躇其庶姑以暫隨侍勸之行乃挈其子瑜隨父就道氏之事父也孝且敬凡事躬理未嘗假手婢媪母劉嘗患疾危甚氏焚香籲天引刀刲股肉雜藥劑以晉疾已歲己酉燮新授平涼府知府由四川乞假來浙就養舟行至漢口瑜道病卒氏止此子心甚痛之然恐父戚吞聲忍泣六月舟抵吳門燮中暑病卒氏衰毀欲絕亦病卒於杭城行廨

閩侯縣志

九

列女四下

一一

林瑞蘭許字閩邑舉人鄭聲鏘未歸矢志養親不忍遠離親病焚香祝天願以身代母嘗失足墜井女入井背母出母得無恙女以溺故病卒

王氏陳景韶妻父見三舉人郎中沾病羸憊氏年十六夜禱天引刀刲左臂肉和藥以進父疾爲少閒丁丑父疾復發又刲右肱肉父終不起年十八歸陳

吳玉如廣東知縣吳徵麒之女字浙江知縣陳鏞子應鏘隨父官粵母林氏故總督則徐女孫嘗刲臂和藥療父女習于母能孝親母疾女於家事無日細皆躬親姊温如以勤學咯血女侍疾兩載不倦宣統二年母病危晝夜侍疾焚香禱天求以身代疾篤決計殉母母彌留時以齒嚙舌不得死迨母氣絕乘閒仰藥卒

高德宜適同邑陳世隆倡隨得甚德宜祖臚璟同治癸亥科進士父暉奎南靖縣學訓導德宜幼時父服官外出祖父退老姐妣已故則依其祖供指使稱老人意父丁祖父艱哀痛將滅性百計調護母病割臂和藥以進

二親先後歿家綦貧立嗣未定德宜女兼男職居苦古既而商於世隆爲其父母營葬且捐產以定嗣者姊德端得癆疾親侍湯藥躬撫摩三年之久勉弟旭求學撤簪環以給之比成名忽染時疫德宜聞報急欲趨視有阻之者德宜哭曰吾同懷骨肉惟此忍畏傳染而不歸乎不及輿轎冒暑行翁服官因勞病歿得耗急棄產扶柩迎姑歸姑病禱天減算夫弟夫妹依嫂居如未失恃後德宜病革語世隆曰君貞疾起居需人恨吾中道捨去我家祖墳契多遺失宗祠祭業租入常短族人以屬君可不負其責乎戚族中不能自存者誰濟其困此等事君宜蠲沒擔當之言終而逝

翁氏高藍田妻于歸嘗以未逮事翁姑爲憾事庶姑陳氏必敬必誠祖姑胡氏在堂年衰力邁氏出入必偕曰翁姑先逝吾必以翁姑之所欲事者事之遇有疾湯藥親嘗衣不離體越二年庶姑先卒祖姑受養八載喪祭盡哀家女紅自給撫夫姪猶己子內外無閒言

朱氏通內則女史笄歸林宗藻期月宗藻以家貧客寧邑朱代養惟謹年

閩侯縣志

九七

列女四下

二一

餘抵家疾亟朱以翁老夫未獲嗣懼乃割股和藥罔效又籲天請以身代夫竟不起朱勤苦奉甘旨其姑叔亦勤以撫之翁終六年夫弟長子振傑生立以爲嗣常謂之曰余初不難從汝父於地下爲翁老姑若叔尙未立耳

張氏林茂貞妻舅疾革氏割股以進果愈

翁氏陳克恩妻姑病割股以進其子守鑾妻翁氏亦割股療舅疾

郭鏡官肇允次女從父讀知大意長益嗜學父就館他姓長兄隨學女伺兄歸丐轉授每夜與姊妹相講論漏三下始休經史多成誦年十六歸同里高觀寶爲室先婚期八日觀寶卒訃至舉室沸騰女僞若弗聞狀偵家人他適潛赴後園池中父以事喚女久不應急尋之已殭矣灌以薑湯始甦譬勸再三女泣曰父母必欲兒生從兒志當視兒爲丈夫子勿再言嫁願侍父母以老不如死父母咸泣諾之女乃起焚香自誓長齋誦經足不出戶者四年以疾卒

林氏徐克典妻未行夫忽雙瞽父母欲毀盟氏不可卒歸夫門以孝稱  
以

上清

閩侯縣志

九七

列女四下

四